



Aningaasaqarnermut Naalackersuisoq

Aningaasaqarnermut Ataatsimiititaliap suliaq nr. 01.31.06/11-00529 pillugu tallimangornermi ulloq 1. april 2011-mi aalajangiineranik Naalackersuisunut ilisimatitsineq.

2011-mi ilassutitut aningaasaliissutitut inatsimmi konto pingaarnermut 40.10.06-imut oqaasertaliussassatut oqaasertaliussanullu nassuiaatissatut qinnuteqaat

Naalackersuisut **inassutigaaat,**

- Oqaasertaliussassatut oqaasertaliussamullu nassuiaatissatut ilanngunneqartoq 2011-mi ilassutitut aningaasaliissutitut inatsimmi ilanngunneqassasoq.

Aningaasaqarnermut Ataatsimiititaliap oqaaseqaatai

Oqaasertaliussassaq nutaaq oqaasertaliussamullu nassuiaat matuma kingulianiittut akuersissutigineqarnissaat Naalackersuisut Aningaasaqarnermut Ataatsimiititaliamut qinnutigaaat:

Kotomut pingaarnermut 40.10.06-imut Kalaallit Nunaanni efterskolit ingerlanneqarnerinut tapiissutit

Kalaallit Nunaanni efterskolit pillugit Inatsisartut inatsisaat nr. 13, 5. december 2008-meersoq naapertorlugu taxameter malillugu tapiissutit annertussusissaat aalajangerneqarput sapaatip akunneranut atuatumut ataatsimut 525 kr.-iussasut.

Kotomut pingaarnermut 40.10.06 Kalaallit Nunaanni efterskolit ingerlanneqarnerinut tapiissutit oqaasertaliussanut nassuiaatit

Oqaasertaliussami nalunaarneqarput taxameteri atorlugu atuatumut ataatsimut sapaatip akunneranut tapiissutit.

Aningaasaqarnermut Naalackersuisoqarfiup e-mailikkut paasissutissiissutigaa isummernissamut tunngavissiaq Aningaasaqarnermut Naalackersuisoqarfiup ingerlateqqitassatut KIIIN-imit marlunngornermi ulloq 23. marts 2011, nal. 16:57 tigummagu, naak isummernissamut tunngavissiaq Naalackersuisunit ulloq 28. februar akuersissutigineqartoq. Kinguartoornerit taama ittut naapertuutinngilluinnartut Aningaasaqarnermut Ataatsimiititaliap ukiut ingerlanerani arlaleriaqaluni erseqqissaatigisaraluarpaa.

Konto pingaarnermut 40.10.06-imut oqaasertaliussamut ilassut pineqartoq allanneqarsimagaluarpat ataatsimiititaliap paasinninnera malillugu pitsaasimassagaluarpoq. Taamaattumillu oqaasertaliussanut nalinginnaasumik iluseritinneqartartut naapertorlugit oqaasertaliussaq taanna nutaaq ”Nr. 2”-mik nalunaaqutserneqarsimasariaqaraluarpoq

kontomullu pingaarnermut tassunga oqaasertaliussaareersoq ”Nr. 1”-imik nalunaaqutserneqarluni.

Taamatuttaaqaq oqaasertaliussamut nutaamut nassuiaatini allannguutissatut qinnutigineqartumut tunuliaqutaasoq aammalu oqaasertaliussap 2011-mi ilassutitut aningaasaliissutitut inatsimmi ilanngunneqarnerani kinguneqaatissat erseqqinnerusumik paasissutissiisutigineqartussaapput.

- (1) Taamaattumillu oqaasertaliussap nutaap 2011-mut ilassutitut aningaasaliissutitut inatsisissami ilanngunneqannginnerani ilusiliinikkut amigaatit taakku iluarseqqaarneqarnissaat **tunngavissaatillugu** qinnuteqaat ataatsimiititaliamit aatsaat akuersissutigineqarsinnaavoq. Allannguutit ataatsimiititaliamit kissaatigineqartut Naalakkersuisunit ilanngunneqarsimanngippata ataatsimiititaliap akuersissutiginninnera atorunnaassaaq.
- (2) Tusarniaaneq pillugu allakkani malinnaatitani allassimasut ataatsimiititaliamit maluginiarneqarput. Paatsuungasoqaqqunagu tusarniaasimaneq pillugu ilisimatitsissummik tigusaqarnissani ataatsimiititaliap kissaatigaa, tassunga ilanngullugu tusarniaanermut akissutip nassiunneqarnissaa kissaatigineqarpoq.
- (3) Naalakkersuisut ataqatigiissaarinnermut suleqatigiissitaannit isummernissamut tunngavissiaq suliarineqarsimanersoq kiisalu tamanna qanga pisimanersoq immikkut nassuiaatigineqassasoq kissaatigineqarpoq.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput**, tamatumani tunngavissaatinneqarluni apeqqutit siuliani allassimasut ullut 14-it qaangiutsinnagit Naalakkersuisunit akineqarsimanissaat, tassungalu ilanngullugu oqaasertaliussassatut nutaatut siunnersuut kiisalu tassunga nassuiaat allassimasutut iluarsineqarnissaat uppersarsarlugu. Naalakkersuisut akissutaat kalaallisut danskisullu nassiunneqassasoq qinnutigineqarpoq assilineralu qarasaasiakkut uunga nassiunneqarluni: nch@ina.gl.

Aningaasaqarnermut Ataatsimiititaliap sinnerlugu

Olga P. Berthelsen
Aningaasaqarnermut Ataatsimiititaliap siulittaasua